

են վանքիս, մինչև մօտ ժամանակներն ևս վանքէս ամեն տարի նուիրակ զնալով այգիներու հասոյթն կը ստանային:

Աստ վկայութեան վանքի միաբանաց Բագուան լինելու է այժմեան հռչակաւոր վանքի հանդէպն և կարաւանի ճանապարհի վերան, Եփրատի աջ կողմն, ուր տեսնուած են բազմաթիւ աւերակներ, նաև կը նշմարուին մեծ եկեղեցւոյ մի հիմերն և որոյ հիւսիսն քիչ բարձր տարածուած կերևին կարգ մի աւերակներ, որ Մաւրուզ կասուի այս օր և նոր օր կը նշանակէ:

Աստ իս աւելի յարմար կը թուի լինել Բագուան այս վայրը, ուր կը կատարուէր Հայոց Ամանորի մեծ տօնն և ճանապարհի վերայ պիտի լինէր, ուստի անց ու դարձ անողները վայելէին հոգու հացը:

Վանքի այժմեան վայրն՝ Մպատայ հիւսիսն և Եփրատի աջ ափի վերայ մի գոգ բռնած է, որ սակաւ տարածութիւն ունի և բոլորովին յարմարութիւն չունի աւան կամ զիւղաքաղաք լինելու, ուր կերևի այժմեան հսկայ եկեղեցին, որ շրջապատուած է մեծ պարսպով մէջ շինութիւններով և ուր կայ փոքրիկ միաբանութիւն մի: Մինչդեռ հայկական նշանաւոր ուխտավայր մի ունենալու էր մեծ տարածութիւն, որպէս ունի Մավրուզ և իւր շրջականներն և կամ այժմեան վանքը կամուրջով մի միացած էր իւր հանդէպը զտնուած Բագուան կարծուած աւերակաց հետ:

Վանքի սահմանի մէջ կան երկու Բօղիներ, Մավրուզ և վանքի զիւղ. սահմանը ի հարաւ Ծաղկանց լեռներու մէջ մեծ տարածութիւն ունի ի հարաւ 4—5 ժամ մինչև յափունս Գալատոյ ծովակին կը բարձրանայ, արտօրայքը և մարզազեփիններն կը բաւականայ 5000 տուն ժողովրդեան: